

COMUNE DI CANAZEI
PROVINCIA DI TRENTO



COMUN DE CIANACEI
PROVINCIA DE TRENT

VERBALE DI DELIBERAZIONE **N° 184**
VERBAL DE DELIBERAZION
DELLA GIUNTA COMUNALE/DE LA JONTA DE COMUN

OGGETTO: 53^ Marcialonga 2026. Intervento di supporto logistico e tecnico e partecipazione alle spese relative all'organizzazione dell'evento.

L'anno **duemilaventicinque** addì **undici** del mese di **dicembre** alle ore **14.30**, nella sala delle riunioni, a seguito di regolari avvisi, recapitati a termini di legge, si è riunita la Giunta Comunale.

Ai **undesc** de **dezember** del **doimilevintecinch** da **mesa les trei domarena** te la sala de la scontrèdes, aldò de avisc regolères porté fora descheche perveit la lege, se à binà la Jonta de Comun.

GIOVANNI BERNARD	Sindaco/Ombolt
DIMITRI DEMARCHI	Assessore/Assessor
LUIGI DANTONE	Assessore/Assessor
DORIS FOSCO	Assessore/Assessor
RICCARDO NEMELA	Assessore/Assessor

ASSENTI NO TOL PÈRT	
Giustificato Giustificà	Ingiustificato No giustificà

Assiste il Segretario comunale Dott.ssa LARA BRUNEL. Riconosciuto legale il numero degli intervenuti, il Dott. GIOVANNI BERNARD, nella sua qualità di Sindaco, assume la presidenza e dichiara aperta la seduta per la trattazione dell'oggetto suindicato.

Tol pèrt I Secretèr de Comun Dot.ra LARA BRUNEL. Dò aer recognosciù legal I numer de chi che tol pèrt, I Dot. GIOVANNI BERNARD, Ombolt de Comun I tol sù la funzion de president e I declarea orida la sentèda per descorer fora l'argoment scrit de sora.

OGGETTO: 53^ Marcialonga 2026.
Intervento di supporto logistico e tecnico e compartecipazione alle spese relative all'organizzazione dell'evento.

Deliberazione n. 184 d.d. 11.12.2025

LA GIUNTA COMUNALE

Premesso che:

- Annualmente, a cura di Marcialonga S.C. si tiene la tradizionale manifestazione sportiva denominata "Marcialonga" che vede coinvolti sciatori professionisti e amatori di tutti i livelli provenienti da ogni parte d'Europa e del mondo.
- Marcialonga è considerata la "regina" delle Granfondo italiane di sci di fondo in tecnica classica e si svolge l'ultima domenica di gennaio nelle Valli di Fiemme e Fassa; un contesto naturale unico incorniciato dalle maestose Dolomiti, che fanno del Trentino una delle regioni più visitate d'Europa.
- La Marcialonga è membro fondatore della Worldloppet, il circuito interazionale delle più importanti gare su lunga distanza di sci di fondo, costituitosi nel 1978, e della Euroloppet ed Alpentris. Inoltre, Marcialonga è anche membro del circuito Visma Ski Classics fin dalla sua fondazione nel 2010 e una delle quattro gare a comporre il prestigioso trofeo Grand Classics.

Dato atto che l'anno 2026 vedrà dei grossi cambiamenti in relazione ad organizzazione e gestione del fine settimana di Marcialonga considerato che tutti gli eventi di contorno tradizionalmente ospitati a Lago di Tesero saranno trasferiti in Val di Fassa con arrivo a Canazei.

Considerato che già a partire dal venerdì pomeriggio, il Comune di Canazei, vedrà l'arrivo della Marcialonga Story, evento ricco di tradizione e fascino nonché, nella giornata di sabato dedicata ai più piccoli, con la Marcialonga Baby per terminare con la classica accoglienza della domenica degli atleti interessati alla gara.

Rilevato che lo spostamento degli eventi sopra descritti consentono alla Val di Fassa, e anche al Comune di Canazei, di ospitare oltre mille partecipanti aggiuntivi rispetto al consueto, generando un importante

SE TRATA: 53^ Marcialonga 2026.
Intervent de didament logistich e technich e partezipazion a la speises dintorinvia l'endrez del event.

Deliberazion n. 184 dai 11.12.2025

LA JONTA DE COMUN

Dit dantfora che:

- duc i egn, per endrez de Marcialonga S.C., vegn metù a jir la manifestazion sportiva tradizionèla che à inom "Marcialonga", event a chel che tol pèrt schiadores profescionisc e amadores che vegn da duta Europa e da dut l mondo.
- Marcialonga l é la "Reina" de la "Granfondo taliènes" de paslonch, tecnica classica, e la vegn metuda a jir l'ultima domenica de jené te Fiem e Fassa; n contest naturèl foradeanter a chel che la Dolomites, crepes maraveuses, ge fèsc da cornisc, che porta l Trentin a esser una anter la regions più vijièdes de l'Europa.
- Marcialonga l é comember fondador de la Worldloppet, l zircuit internazionèl de la garejèdes de maor nonzech con distanzes longes de paslonch, metù su del 1987, e de Euroloppet e Alpentris. Marcialonga, estra apede, l é ence n comember del zircuit Visma Ski Classics da canche del 2010 l é stat metù su e una anter la cater garejèdes che met adum l trofeo de gran prestije Grand Classics.

Dat at che tel 2026 vegnarà fat de gregn mudamenc en cont de endrez e de gestion del fin de setemèna de Marcialonga, tegnù cont che duc i evenc de cornisc che de zenza i vegn endrezé a Lago de Tieser, i vegnarà pervedui te Fassa con travert a Cianacei.

Tegnù cont che jà vender domesdì a Cianacei vegn endrezà l zil de la Marcialonga Story, event dassen tradizionèl e n muie bel, sabeda l event per i più picioi, la Marcialonga Baby, e domenica, desche semper, se sera su la Marcialonga con l endrez de la garejèda olache passerà i atlec che tol pèrt a la garejèda.

Conscidrà che col plindernament di evenc despieghé de sora, Fassa, e ence l comun de Cianacei, tolarà dant passa mille partezipanc de più che chi che tol pèrt de

movimento anche in termini di pubblico e accompagnatori.

Considerato che la Marcialonga S.C. intende posizionare nei pressi dell'arrivo, un tendone, struttura fondamentale per garantire lo svolgimento delle attività del venerdì e sabato offrendo un servizio adeguato ai partecipanti e ai visitatori.

Ritenuto di voler collaborare logisticamente e tecnicamente in maniera tale da raggiungere un ottimo risultato mostrando il Comune di Canazei un Comune degno della portata della manifestazione sportiva come è la Marcialonga.

Ritenuto dunque, come richiesto nella nota prot. n. 7998 di data 04.12.2025, pervenuta da Marcialonga S.C., di:

- collaborare per raggiungere l'obiettivo principale della manifestazione;
- impegnare l'importo di € 2.000,00 quale compartecipazione delle spese relative alla copertura del noleggio e il montaggio del tendone.

Di dare atto che l'importo di € 2.000,00 verrà impegnato al cap. di PEG 2000 nel bilancio di previsione 2026.

Ricordato che lo Statuto del Comune di Canazei:

- all'art. 2 prevede tra l'altro: "Il Comune impronta la propria azione al rispetto dei principi della Costituzione e della dichiarazione dei diritti dell'uomo, alla valorizzazione dei diritti umani ed ai principi di solidarietà e di pari opportunità tra cittadini, senza distinzioni di razza, origine, lingua, sesso e religione nel riconoscimento. Garantisce e valorizza il diritto dei cittadini, delle formazioni sociali, degli utenti e delle associazioni portatrici di interessi diffusi, come espressioni della comunità locale, di concorrere allo svolgimento delle attività poste in essere dall'amministrazione locale.", "Promuove la tutela della vita umana, della persona e della famiglia, la valorizzazione sociale della maternità e della paternità assicurando sostegno alla corresponsabilità dei genitori nell'impegno di cura e di educazione dei figli, tramite i servizi sociali ed educativi. Il Comune è in coerenza con la convenzione delle Nazioni Unite in materia di diritti dei bambini e dei giovani, concorre a promuovere il diritto allo studio e alla formazione in un quadro istituzionale ispirato alla libertà di educazione.", "Il Comune di

zenza al event, portan n gran moviment de jent e sostegnidores.

Tegnù cont che Marcialonga SC la vel loghèr ju, aló dal travert, n tendon, na struttura dassen emportanta per poder meter a jir i evenc en vender e en sabeda, col ge sporjer n servije adatà ai partezipanc e a chi che vegn a veder.

Conscidrà de voler colaborèr da n pont de veduda logistich e tecnich a na moda da poder aer de bogn ejic e desmostrèr che l Comun de Cianacei l é n comun che merita de tor pèrt al endrez de la manifestazion sportiva desche Marcialonga.

Conscidrà donca, desche domanà co la nota prot. n. 7998 dai 04.12.2025, ruèda da Marcialonga S.C. de:

- colaborèr per arjonjer l obietif prinzipal de la manifestazion;
- meter a la leta la suma de € 2.000,00 desche partezipazion a la speises per corir l cost per l fit e per meter su l tendon.

De dèr at che la suma de € 2.000,00 la vegnarà metuda a la leta sul capitol de PEG 2000 tel bilanz de previjion 2026.

Recordà che Statut del comun de Cianacei:

- tel articol 2 l perveit anter l auter: "La attività de Comun la é outa a meter en doura i prinzipies de la Costituzion de la Republica e de la declarazion di deric del om, per la valorisazion di deric del om e per i prinzipies de solidarietà e de la valiva oportunitèdes anter i sentadins senza distinzion de raza, provenienza, lengaz ses e religion. L'arsegurea e l valorisea l derit di sentadins, de la formazions sozièles, di utenc e de la sociazions che raprejenta i desvalives enteresc de la comunanza dal post, de tor pèrt a la metuda en doura de la ativitèdes metudes en esser da la aministrazion del post.", "L valorisèa l stravardament de la vita umèna, de la persona e de la familia, la valorisazion sozièla de la maternità e de la paternità e l arsegurea didament ai genitores per la cura e l'educazion di fies, tras i servijes sozièi e educatives. L Comun l ge va do a la convenzion de la Nazions Unides per i deric di bec e di joegn, l porta inant l derit al studie e la formazion tel chèder istituzionèl out a la libertà de educazion.", "L Comun de Cianacei l recognosc l lengaz ladin desche lengaz sie de la comunanza raprejentèda tel

Canazei riconosce la lingua ladina come lingua propria della comunità in esso rappresentata ed orienta la sua azione al principio di tutela della minoranza ladina ai sensi dell'art. 6 della Costituzione, dell'art. 102 dello Statuto speciale, delle leggi statali, regionali e provinciali e delle norme di attuazione dello Statuto speciale. A tal fine promuove ogni azione diretta alla protezione e alla valorizzazione delle caratteristiche distintive della Comunità Ladina Dolomitica.” e “Sostiene le attività e le iniziative del volontariato e delle libere associazioni.”.

- all'art. 3 dice: “Il Comune orienta la propria azione al fine di:

a) promuovere e valorizzare la lingua e la cultura ladina ed a favorirne l'insegnamento scolastico ed extra scolastico. A tal fine il Comune promuove e organizza opportuni interventi in tutti i settori di propria competenza previsti da leggi statali, regionali e provinciali e dalle norme di attuazione dello Statuto speciale;

b) promuovere la conoscenza della lingua e della cultura ladina da parte dei cittadini, del personale dipendente del Comune e dei Segretari comunali;

c) promuovere e valorizzare l'uso della lingua ladina anche nelle attività degli organi comunali e dell'Amministrazione comunale fornendo idonei mezzi, secondo quanto previsto dalle vigenti leggi e norme di attuazione dello Statuto speciale, dal presente Statuto e dai relativi regolamenti di attuazione;

d) assicurare la graduale istituzione di sportelli in lingua onde consentire l'uso orale e scritto della lingua ladina nei rapporti con l'Amministrazione comunale e gli enti da essa dipendenti;

e) promuovere mediante idonee forme associative con gli altri Comuni ladini, enti pubblici e con i competenti organismi statali e provinciali le iniziative necessarie a garantire l'uso e l'insegnamento della lingua e della cultura ladina nelle scuole di ogni ordine e grado.

A tal fine, nei limiti delle proprie competenze, e delle leggi statali, regionali e provinciali vigenti nonché dalle norme di attuazione dello Statuto speciale, promuove ed assume, anche ai sensi della presente lettera e), gli opportuni interventi in settori quali strutture e infrastrutture, biblioteche, attività didattiche ed educative, assistenza sociale, musei, animazione culturale, politica del tempo libero, educazione degli adulti, attrezzature scolastiche, aggiornamento, insegnanti di

Comun e l'endrezza sia attività conscidran l'prinzip de la defendura de la mendranza ladina aldò del art. 6 de la Costituzione e del art. 102 del Statut Spezièl, de la leges statèles, regionèles e provinzièles e de la normes per meter en doura l Statut Spezièl. Per chest fin l Comun sostegn ogni scomenzadiva outa a la defendura e a la valorisazion de la carateristiches particulères de la Comunità Ladina Dolomitica” e “L ge dèsc didament a la ativitèdes e a la scomenzadives de volontariat e de la sociazions ledies.”.

- tel art. 3 l disc: “L Comun endrezza sia attività per:

a) portèr inant e valorisèr l lengaz e la cultura ladina e a favorir l enseignament te la scoles e fora de la scoles te paisc. Con chest fin l Comun l porta inant e l endrezza intervenc adaté te duc i setores de sia competenza pervedui da la leges statèles, regionèles e provinzièles e da la normes per meter en doura l Statut Spezièl;

b) favorir la cognoscenza del lengaz e de la cultura ladina da pèrt di sentadins, del personal dependent del Comun e di Secretères de Comun;

c) portèr inant e valorisèr la doura del lengaz ladin ence te la ativitèdes di organismes e de l'Aministrazion de Comun metan a la leta mesi adaté, aldò de chel che l é pervedù da la leges en doura e da la normes de atuazion del Statut Spezièl, da chest Statut e da sie regolamenc per l meter en doura;

d) arsecurèr che vegne metù a jir, mingol a la outa, i portie de ladin, per consentir la doura a ousc e scritta del lengaz ladin ti raporc co l'Aministrazion de Comun e coi enc che depen da la medema Aministrazion de Comun;

e) meter a jir, tras formes de sociazion adatédes coi etres Comuns ladins, coi enc publics e coi organismes statèl e provinzièl competenc, la scomenzadives che serf per garantir la doura e l enseignament del lengaz e de la cultura ladina te la scoles de ogni orden e nivel.

Per chest fin, ti limic de sia competenzes, de la leges statèles, regionèles e provinzièles en doura e aldò de la normes de atuazion del Statut Spezièl, l Comun met a jir e l tol su, ence aldò de la letra e) de sora, i intervenc che se ge vel ti setores de la strutures e de la infrastrutures, de la biblioteches, ativitèdes didatiches e educatives, de l'assistenza sozièla, di musees, de l'animazion culturèla, de la politica del temp ledech, de l'educazion de la jent grana, de la fornimenta per la scoles, del aggiornament, di ensegnanc de

appoggio, produzione di materiale audiovisivo, scuole materne.

Si impegna altresì a promuovere, attraverso i propri rappresentanti negli organismi competenti, le attività di sperimentazione didattico-educativa volte ad incentivare nelle scuole dell'area di diffusione della minoranza l'insegnamento e la conoscenza della lingua e della cultura ladina.”.

- all'art. 7 dispone tra l'altro: “Il Comune valorizza le libere forme associative della popolazione e le organizzazioni del volontariato, facilitandone la comunicazione con la amministrazione e promuovendone il concorso attivo all'esercizio delle proprie funzioni.”.

Vista e richiamata la deliberazione consiliare n. 35 dd. 03.10.96 con cui si adottava il Regolamento per la concessione di finanziamenti economici ad Enti pubblici, associazioni e soggetti privati.

Visto l'art. 2 co. 1 lett. b del citato Regolamento che delinea procedure per l'erogazione dei benefici economici.

Visto il Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2.

Visto il parere favorevole alla regolarità tecnico-amministrativa espresso dal Responsabile dell'Ufficio Segreteria, ai sensi dell'art. 185 c.1 del Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2.

Visto altresì l'allegato parere di regolarità contabile espresso dal Responsabile dell'Ufficio Finanziario sulla proposta di deliberazione sempre ai sensi dell'art. 185 c.1 del Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2.

Accertata la propria competenza, in base all'art. 53 c. 2 del Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2.

Con voti unanimi favorevoli legalmente espressi

sostegn, de la produzion de video, de la scolines.

L se tol su ence l empegn de sostegnir, tras sie raprezentanc ti organismes competenc, la ativitedes de sperimentazion didatica e educativa outes a favorir, te la scoles del teritorie olache stèsc la mendranza, l ensegnament e la cognoscenza del lengaz e de la cultura ladina.”.

- tel art. 7 l stabilesc anter l auter: “L comun valorisea sorts de sociazions de la popolazion ledies e la organisazions del volontariat, col favorir la comunicazion co la aministrazion e col tor pèrt a na vida ativa metan en esser sia funzions.”.

Vedù e recordà la deliberazion de Consei n. 35 dai 03.10.96 con chela che l é stat tout su l Regolament per dèr fora finanziamenc economics a Enc publics, sociazions e sogec privac.

Vedù l art. 2 coma 1 letra b del Regolament scrit dant che met dant la prozedures per dèr fora benefizies economics.

Vedù l Codesc di enc locai de la Region Autonoma Trentin-Sudtirol aproà con Lege Regionèla dai 03.05.2018 n. 2.

Vedù i pareres a favor dac ju en cont de la regolarità tecnich-amministrativa dal Responsabol del Ofize de cancelaria aldò del art. 185 c. 1 del Codesc di enc locai de la Region Autonoma Trentin-Sudtirol aproà con Lege Regionèla dai 03.05.2018 n. 2.

Vedù ence i pareres enjonté dac ju en cont de la regolarità di conc dal Responsabol del Ofize Finanzièl su la proponeta de deliberazion aldò del art. 185 c. 1 del Codesc di enc locai de la Region Autonoma Trentin-Sudtirol aproà con Lege Regionèla dai 03.05.2018 n. 2

Zertà sia competeenza, aldò del art. 53 c. 2 del Codesc di enc locai de la Region Autonoma Trentin-Sudtirol aproà con Lege Regionèla dai 03.05.2018 n. 2.

Con duta la stimes a una palesèdes aldò de lege,

DELIBERA

1. Di collaborare, nel fine settimana del 23-24-25 gennaio 2026, con Marcialonga S.C. nell'organizzazione di tutti gli eventi di contorno trasferiti in Val di Fassa come la Marcialonga Story, Marcialonga Baby e Marcialonga-Granfondo.
2. Di dare atto che l'importo complessivo di € 2.000,00 verrà impegnato al cap. di PEG n. 2000 del bilancio di previsione 2026.
3. Di comunicare l'adozione della presente deliberazione ai Capigruppo consiliari.
4. Si evidenzia, ai sensi dell'articolo 4 della L.P. 30.11.1992, n. 23 e s.m. che avverso la presente deliberazione sono ammessi:
 - a) Opposizione alla Giunta comunale entro il periodo di pubblicazione, ai sensi dell'art. 183 c.5 del Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2;
 - b) Ricorso straordinario al Presidente della Repubblica entro 120 giorni, ai sensi dell'art. 8 del D.P.R. 24.11.1971, n. 1199;
 - c) Ricorso giurisdizionale al T.R.G.A. di Trento entro 60 giorni ai sensi del D.Lsg. 02.07.2020, n.104.

DELIBEREA

1. De colaborèr, tel fin de setemèna 23-24-25 de jené del 2026, con Marcialonga SC tel endrez de duc i evenc che ge fèsc da cornisc e che i vegn endrezé te Fascia, desche Marcialonga Story, Marcialonga Baby e Marcialonga-Granfondo.
2. De dèr at che la suma en dut che vegn ca da chest de € 2.000,00 la vegn metuda a la leta sul cap. de PEG n. 2000 del bilanz de previjion 2026.
3. De ge fèr a saer ai Capigrop de Consei che l é stat tout su chesta deliberazion.
4. Metù al luster che, aldò del art. 4 de la L.P. dai 30.11.1992, n. 23 e m.f.d., contra chesta deliberazion se pel portèr dant chisc recorsc:
 - a) Oposizion a la Jonta de Comun endèna l trat de temp de la publicazion, aldò del art. 183, coma 5 del Codesc di enc locai de la Region Autonoma Trentin Sudtirol aproà co la Lege Regionèla dai 03.05.2018, n. 2;
 - b) Recors straordenèr al President de la Republica, dant da 120 dis, aldò del art. 8 del D.P.R. dai 24.11.1971 n. 1199;
 - c) recors al T.R.G.A. de Trent, dant da 60 dis, aldò del art. 29 del D.Lgs. dai 2.07.2010 n. 104.

Data lettura del presente verbale, viene approvato e sottoscritto.

Verbal let, aproà e sotscrit.

IL SINDACO / L OMBOLT
FIRMATO DIGITALMENTE
F.TO Dott. Giovanni Bernard

IL SEGRETARIO / L SECRETÈR
FIRMATO DIGITALMENTE
F.TO Dott.ssa Lara Brunel

REFERTO DI PUBBLICAZIONE

Certifico io sottoscritto Segretario Comunale che copia del presente verbale è stata pubblicata all'albo pretorio il giorno **16.12.2025** per restarvi giorni 10 consecutivi.

RELAZION DE PUBLICAZION

Zertifichee, Gé sotscrit Secretèr de Comun, che na copia de chest verbal la vegn publichèda ai **16.12.2025** su l'albo pretorie, olache la restarà tachèda fora per 10 dis a dò a dò.

IL SEGRETARIO / L SECRETÈR
FIRMATO DIGITALMENTE
F.TO Dott.ssa Lara Brunel

CERTIFICATO DI ESECUTIVITÀ

Si certifica che la presente deliberazione è stata pubblicata nelle forme di legge all'Albo pretorio senza riportare, entro 10 giorni dall'affissione, denunce di vizi di illegittimità o incompetenza, per cui la stessa diventa esecutiva il giorno **27.12.2025** ai sensi dell'art. 183 c.3 del Codice degli enti locali della Regione Autonoma Trentino-Alto Adige approvato con Legge Regionale 03.05.2018 n. 2.

ZERTIFICAT DE ESECUTIVITÀ

Vegn zertificà che chesta deliberazion la é stata tachèda fora su l'albo pretorie per diesc dis a dò a dò, e no l'é stat denunzià iregolaritèdes, donca la medema la doventa esecutiva ai **27.12.2025** aldò de l'art. 183, coma 3 del Codesc di Enc Locai de la Region Autonoma del Trentin, aproà con L.R. 03.05.2018 n. 2.

IL SEGRETARIO / L SECRETÈR
FIRMATO DIGITALMENTE
F.TO Dott.ssa Lara Brunel

Copia conforme all'originale in carta libera per uso amministrativo.

Copia valiva a l'originèl, sun papier senza bol per doura aministrativa.

IL SEGRETARIO / L SECRETÈR
FIRMATO DIGITALMENTE
Dott.ssa Lara Brunel